



EKIHANDIIKO EKIRIKWOREKA AHU EMIRIMO YA CAO YAHIKA

Uganda/Agri-Vie Fund-02/Mubende

March 2013

Obukomooko bwokwetomboita.

Ekiyombe ekya AgriVie business fund kikatandikwaho abaantu buntu nekigyendererwa kyokuta empiiha omurushuuburo orweegamiire obuhingi omu byaanga ebya bukiizi bwa buryo na burugwe'izooba bwa Africa. Omuntebekanisa eriho hati ekiyombe eki kikata empiiha zaakyo omukitongore ekya New Forests Company(NFC), ekirikukomooka bungyereza ekwitwiire nikihinga amashamba gemiti yokushaaruuramu embaaho omuri burugwaizooba bwa Africa.

Ekitongore ekya NFC ekyatandikire kukorera omu Uganda omu mwaaka ogwa 2005 kiine amashamba 3 agemiti ya karitansi na pachula omu district eza Mubende Kiboga na Bugiri.

Omukweezi okwa 12/2011 eitongore bina ebirukijwekyera abaturagye abarikutegansibwa amashamba gemiti aga ebirimo Oxfam International, Oxfam Great Britain, and the Uganda Land Alliance(ekirikugaita ebitongore ebindi omwihanga ebirukukora aha nshonga zamataka) bikanjura okwetomboita omu offisi ya CAO birukijwekyera abantu abahereire eishamba ryemiti erya Mubende.

Okwetomboita kukarugirira ahakweraririkira kwa'babeire nibabingwa aha mataka gaabo ebiintu byaabo birukijwekyerezebwa, ekyabareteire kuburwa obuherezeza bwebyemagara, ebyobwegyese neindi mirimo.

Ekyakoziwe;

Offisi ya CAO ekyashanga okwetombita oku kushemereire kukuraturirwa omu kweezi kwokubanza 2012. Tiimu ya CAO ekakwaata omuhanda yahika omukyaaga ekyo omukweezi kwa kabiri nokwaakashatu yabugabugana nabukirikukwaataho boona kweenda kutabo butandikiriro bwokushoborora enshonga ezaaresire okwetomboita. Bwanyima youkucondooza Kwa CAO abjwekyerwa babaturage nekitongore ekya NFC bakeikiriza kukwaatanisa omuntebekanisa zokumaraho okwetomboita. Ebi byoona

nibishangwa omubyarugire omu kucondooza kwa CAO (ebihaandiiko biri aha Mukura gwa intaneeti ogwa www.cao-ombudsman.org)

Ebiriyo nibigyenda omu meisho obwahati;

Empanuura zikatebekaniisiwa zayikirizibwa embaju zombie nekigyendererwa kyokusherura oburyo bwokumariraho kyarimwe omuhondano nokureetaho enkwatanisa rwagati yekitongore ekya NFC nabaturage. Rwagati yemyaaka 2012 ne 2013 muhikaanisa wa CAO akatebekanisa enkiiko nabukirikuwaataho (abajwekyerwa bekitongore ekya NFC, abaturage nabahabuzi baabo (Oxfam, Uganda Land Alliance) ebyagambirweho omu nkiiko ezi nebomubonano kandi tibireije kugambwaho. Muhikaanisa wa CAO nabwanyima akatebekanisa empanuura rwagati yabukirikukwaataho boona yabahweera omukwongyera kushobooryerwa enshonga ezayanjwirwe.

Tiimu ya CAO ekakwaatanisa naboona abukirikukwaataho namunonga abaturage abateganiisibwe kureeba ngu bayegyesibwa oku baratwaaze omu mpanuura.

Boona abayejumbiire omu mpanuura abarimu abajwekyerwa babaturage, nabahabuzi baabo kandi nabekitongore ekya NFC boorekire omutima murungi nokugumisiriza nobweziriki omu bwiire obu empanuura zimazire nizigyenda omu meisho. Abukirikukwaataho boona bahikire aha kwikirizana omu nshonga zitarizimwe nazimwe ezibaateireho ekinkumu omu eibago ryandagaano eyakozirwe omu kweezi kwa kashatu 2013.

Ebiri omu ndagaano egi nibiija kuguma nibimanywa abukirikukwaataho nabahabuzi baabo bonka. Embaju zombie nizijja kukoorerera okuhikiiriza endagaano yahamuheru eyegamiire ebi beikiriziineho. Endagaano egi ku erakorwe, nija kuba yayoreka ku okwetomboita okwayanjuriirwe Cao kwashoboreirwe kyarimwe. Okutwarizahamwe eibago ryendagaano niryoreka ku abukirikukwaataho bayikiriziine aha ntebekanisa yobutwiire eyokuhweera baturage.

Bakeikiriza ngu ebi bishuururwe omu rwaatu.

- Ekitongore ekya NFC kikeikiriza kuhweera ekibiina kyabeetereine ekirikujwekyera abaturage, kandi noktaho entebekanisa zokuhikiiriza bimwe omu byetengo byabaturage. Ekitongore ekya NFC kikeikiriza nokukwaatanisa nabaturage omukutaho enkora erikuhweera embaju zombi.
- Abaturage nabo bakeikiriza kworobera entwaaza yekitongore ekya NFC nemyaatanano yeihamba rya gavument, kukorera aha biragiro nokukwaatanisa nabekitongore ekyo.
- Abukirikukwaataho bakeikirizana kukwaatanisa omu ntebekanisa zitari zimwenazimwe ezigyendereire kubutuura entunguuka nokwongyera eishumi omu mukago rwagati yembaju zombie.

Ekigombe ekya Oxfam kitwiire nikihweera abaturage omu bwiire boona obwempanuura.

Eibago ryandagaano nirihamya ku habeireho okuteera entambo omu kwirizana rwagati yabarikukwaataho, kandi okwiikirizana oku nikwiija kuhamibwa omu ndagaano yahamuheru.

Omu mirimo ya CAO endagaano yehamuheru rwagati ekitongore ekya NFC nabaturage ba mubende neija kumariraho kimwe okwetomboita okwayanjuriirwe CAO. Ofiisi ya Cao neija kugumizamu kureebererera okuta omunkora endagaano egi .CAO nasiima abukirikwaataho ahabwokukwaatanisa omu kwenda kushoborora enshonga ezaaresireho okwetomboita.